

საქართველოს კანონი

„საქართველოს სამოქალაქო კოდექსში ცვლილებების შეტანის თაობაზე“

მუხლი 1. „საქართველოს სამოქალაქო კოდექსში (საქართველოს პარლამენტის უწყებანი №31 1997წ.) შეტანილ იქნეს შემდეგი ცვლილებები:

1. კოდექსის 1106-ე მუხლის ჩამოყალიბდეს შემდეგი რედაქციით:
„მუხლი 1106. ქორწინების ცნება
ქორწინება ოჯახის შექმნის მიზნით ქალისა და მამაკაცის ნებაყოფლობითი კავშირია, რომელიც რეგისტრირებულია საქართველოს იუსტიციის სამინისტროს მმართველობის სფეროში შემავალი საჯარო სამართლის იურიდიული პირის – სამოქალაქო რეესტრის სააგენტოს ტერიტორიულ სამსახურში (შემდგომ კოდექსში – სააგენტოს ტერიტორიული სამსახური).“.

2. კოდექსის 1110-ე მუხლის პირველი, მე-3 და მე-4 ნაწილები ჩამოყალიბდეს შემდეგი რედაქციით:
„1. დაქორწინება ფორმდება სააგენტოს ტერიტორიული სამსახურის მიერ, დაქორწინების მსურველი პირების განცხადების საფუძველზე.

3. განცხადების შეტანის დღეს ქორწინების რეგისტრაციაზე უარის თქმა შესაძლებელია სააგენტოს ტერიტორიულ სამსახურში წარდგენი ქორწინების რეგისტრაციის განცხადებათა სიმრავლის გამო.

4. დაქორწინების მსურველი პირების მოთხოვნით სააგენტოს ტერიტორიული სამსახური ვალდებულია განსაკუთრებული გარემოების არსებობისას, როგორცაა ბავშვის დაბადება, ერთ-ერთი მხარის სიცოცხლისათვის რეალური საფრთხე და სხვა მსგავსი გარემოებები, მოახდინოს ქორწინების რეგისტრაცია განცხადების შეტანის დღესვე.“

3. კოდექსის 1111-ე, 1112-ე, 1113-ე, 1114-ე და 1119-ე მუხლები ჩამოყალიბდეს შემდეგი რედაქციით:

„მუხლი 1111. ქორწინების რეგისტრაცია
ქორწინების რეგისტრაცია ხდება სააგენტოს ტერიტორიულ სამსახურში დასაქორწინებულ პირთა მიერ არჩეული ადგილის მიხედვით.

მუხლი 1112. დაქორწინების შესახებ განცხადების შეტანა

დაქორწინების მსურველ პირებს პირადად შეაქვთ განცხადება სააგენტოს ტერიტორიულ სამსახურში. განცხადებაში მათ უნდა დაადასტურონ, რომ მათთვის არ არსებობს ქორწინების დამაბრკოლებელი გარემოებები, რომლებიც გათვალისწინებულია ამ კოდექსის 1120-ე მუხლით, ცნობილია ერთმანეთის ოჯახური მდგომარეობა, იციან, მერამდენა თითოეული მათგანისათვის ეს ქორწინება, აგრეთვე აღნიშნონ, აყავთ თუ არა შვილები.

მუხლი 1113. სააგენტოს ტერიტორიული სამსახურის მოვალეობანი

1. სააგენტოს ტერიტორიული სამსახური, რომელიც მიიღებს დასაქორწინებელ პირთა განცხადებას, ვალდებულია გააცნოს მათ ქორწინების რეგისტრაციის პირობები და წესი, განუმარტოს მეუღლეთა და მშობელთა უფლება-მოვალეობები, რომლებიც გათვალისწინებულია ამ კოდექსით, აგრეთვე გააფრთხილოს ისინი, რომ პასუხს აკებენ დაქორწინების დამაბრკოლებელ გარემოებათა დაფარვისათვის.

2. სააგენტოს ტერიტორიულმა სამსახურმა უნდა დაადგინოს, რომ დასაქორწინებელ პირთათვის არ არსებობს ქორწინების დამაბრკოლებელი გარემოებები და მათთვის ცნობილია ერთმანეთის ჯანმრთელობა და ოჯახური მდგომარეობა.

მუხლი 1114. ქორწინების რეგისტრაცია სააგენტოს ტერიტორიული სამსახურის ადგილსამყოფელის გარეთ
დასაქორწინებელ პირთა თხოვნით, თუ საპატიო მიზეზი არსებობს, ქორწინების რეგისტრაცია შეიძლება მოხდეს სააგენტოს ტერიტორიული სამსახურის ადგილსამყოფელის გარეთ.

მუხლი 1119. ქორწინების რეგისტრაციაზე უარის გასაჩივრება
სააგენტოს ტერიტორიული სამსახურის უარი ქორწინების რეგისტრაციაზე შეიძლება გასაჩივრდეს სასამართლოში“.

4. კოდექსის 1123-ე მუხლის პირველი ნაწილი ჩამოყალიბდეს შემდეგი რედაქციით:

„1. განქორწინება ხდება სასამართლო წესით, ხოლო ამ კოდექსის 1124-ე და 1125-ე მუხლებით გათვალისწინებულ შემთხვევებში – სააგენტოს ტერიტორიულ სამსახურში“.

5. კოდექსის 1124-ე მუხლის პირველი, მე-3 და მე-5 ნაწილები ჩამოყალიბდეს შემდეგი რედაქციით:

„1. სააგენტოს ტერიტორიულ სამსახურში ერთ-ერთი მეუღლის საცხოვრებელი ადგილის მიხედვით განქორწინება დაიშვება იმ

მუდღელთა ურთიერთთანხმობით, რომელთაც არა კყავთ არასრულწლოვანი შვილები და შეაქვთ ერთობლივი განცხადება განქორწინების შესახებ.

3. განქორწინება შეიძლება მოხდეს ერთ-ერთი მუდღელის დაუსწრებლად, თუ მას საპატიო მიზეზით არ შეუძლია გამოცხადდეს სააგენტოს ტერიტორიულ სამსახურში და თუ მისი სახელით წარმოდგენილია სათანადოდ დამოწმებული განცხადება განქორწინებაზე მისი თანხმობის დასადასტურებლად.

5. ქორწინება შეწყვეტილად ითვლება სააგენტოს ტერიტორიულ სამსახურში განქორწინების რეგისტრაციის მომენტიდან.“.

6. კოდექსის 1125-ე მუხლი ჩამოყალიბდეს შემდეგი რედაქციით:

„მუხლი 1125. განქორწინება ერთ-ერთი მუდღელის განცხადებით

სააგენტოს ტერიტორიულ სამსახურში ერთ-ერთი მუდღელის განცხადებით განქორწინება ხდება იმ პირობით, რომელიც:

ა) კანონით დადგენილი წესით აღიარებულია უგზო-უკვლოდ დაკარგულად;

ბ) სულით ავადმყოფობის ან ჭკუასუსტობის გამო ცნობილია ქმედუუნაროდ;

გ) სასამართლოს მიერ მსჯავრდებულია დანაშაულისათვის თავისუფლების აღკვეთით არანაკლებ სამი წლისა.“.

7. კოდექსის 1132, 1134, 1135-ე, 1137-ე, 1138-ე და 1139-ე და მუხლები ჩამოყალიბდეს შემდეგი რედაქციით:

„მუხლი 1132. განქორწინების შესახებ სასამართლოს გადაწყვეტილების აღსრულება

1. განქორწინების შესახებ სასამართლოს კანონიერ ძალაში შესული გადაწყვეტილება აღსრულდება ერთ-ერთი ან ორივე მუდღელის მოთხოვნით, გადაწყვეტილების კანონიერ ძალაში შესვლის დღიდან არა უგვიანეს 3 წლისა, სააგენტოს ტერიტორიულ სამსახურში რეგისტრაციის საშუალებით.

2. ქორწინება შეწყვეტილად ითვლება სააგენტოს ტერიტორიულ სამსახურში განქორწინების რეგისტრაციის მომენტიდან.

მუხლი 1135. ქორწინების აღდგენა გარდაცვლილად გამოცხადებული ან უგზო-უკვლოდ აღიარებული მეუღლი დაბრუნებისას

1. თუ გამოჩნდება კანონით დადგენილი წესით გარდაცვლილად გამოცხადებული ან უგზო-უკვლოდ დაკარგულად აღიარებულ მეუღლე, რომელთანაც ქორწინება შეწყვეტილი იყო ამ საფუძველზე, და გაუქმდება სასამართლოს გადაწყვეტილება მისი გარდაცვლილად გამოცხადების ან უგზო-უკვლოდ აღიარების შესახებ სააგენტოს ტერიტორიულმა სამსახურმა ქორწინება შეიძლება აღადგინოს მეუღლეთა ერთობლივი განცხადებით, ხოლო თუ ისინი სასამართლო წესით იყვნენ განქორწინებულნი, სასამართლო მათი განცხადებით აუქმებს გადაწყვეტილებას განქორწინების შესახებ.

მუხლი 1137. განქორწინების რეგისტრაცია საცხოვრებელი ადგილის მიხედვით

განქორწინების რეგისტრაცია ხდება სააგენტოს ტერიტორიულ სამსახურში ორივე ან ერთ-ერთი მეუღლის საცხოვრებელი ადგილის მიხედვით.

მუხლი 1138. განქორწინების რეგისტრაცია

1. სასამართლოს გადაწყვეტილების საფუძველზე განქორწინების რეგისტრაციას ახდენს სააგენტოს ტერიტორიული სამსახური ორივე ან ერთ-ერთი მეუღლის განცხადებით.

2. ერთ-ერთი მეუღლის განცხადებით განქორწინების რეგისტრაციის შემთხვევაში სააგენტოს ტერიტორიული სამსახური ამის შესახებ აცნობებს მეორე მეუღლეს, თუ ცნობილია მისი და სააგენტოს ტერიტორიული სამსახურის მისამართი, რომელმაც მოახდინა ქორწინების რეგისტრაცია.

მუხლი 1139. მსჯავრდებულ მეუღლესთან განქორწინების წესი

1. მეუღლე, რომესაც განქორწინება სურს ამ კოდექსის 1125-ე მუხლით გათვალისწინებული საფუძველებით, ვაღდეებულია სააგენტოს ტერიტორიულ სამსახურს წარუდგინოს სათანადო წესით დამოწმებული, კანონიერ ძალაში შესული სასამართლო გადაწყვეტილების პირი მეორე მეუღლის უგზო-უკვლოდ დაკარგულად აღიარების ან ქმედუუნაროდ ცნობის შესახებ, ანდა სასამართლოს განაჩენის პირი ან განაჩენის ამონაწერი იმის შესახებ, რომ მეორე მეუღლეს შეფარდებული აქვს თავისუფლების აღკვეთა არანაკლებ სამი წლისა.

2. შეტანილი განცხადების შესახებ სააგენტოს ტერიტორიული სამსახური აუწყებს პატიმრობაში მყოფ მეუღლეს ან ქმედუუნარო მეუღლის მეურვეს. უწყებაში უნდა განისაზღვროს პასუხის შეტყობინების ვადა იმის თაობაზე, არის თუ არა დავა ბავშვების

შესახებ, მეუღლეთა ხაერთო თანასაკუთრების გაყოფაზე ან იმ შრომისუნარო მეუღლის სასარგებლოდ ალიმენტის გადახდევინებაზე, რომელიც დახმარებას საჭიროებს. პასუხის შეტყობინების ვადა არ უნდა აღემატებოდეს 3 თვეს.

3. თუ მირებულია ცნობა იმის შესახებ, რომ დავა არ არსებობს, ან მითითებულ ვადაში პასუხი არ იქნა მიღებულია, სააგენტოს ტერიტორიული სამსახური ახდენს განქორწინების რეგისტრაციას.“.

8. კოდექსის 1145-ე მუხლის მე-2 ნაწილი ჩამოყალიბდეს შემდეგი რედაქციით:

„2. ფიქციური ქორწინების ბათილად ცნობის შესახებ სარჩელის აღძვრის უფლება აქვს სააგენტოს ტერიტორიულ სამსახურს, ხოლო თუ ერთ-ერთი მეუღლე დაქორწინდა ისე, რომ მიზნად არ ისახავდა ოჯახის შექმნას, ასეთი სარჩელის აღძვრა მეორე მეუღლესაც შეუძლია.“.

9. კოდექსის 1151-ე მუხლი ჩამოყალიბდეს შემდეგი რედაქციით:

„მუხლი 1151. ქორწინების რეგისტრაციის მნიშველობა მეუღლეთა უფლება-მოვალეობებს წარმოშობს მხოლოდ სააგენტოს ტერიტორიულ სამსახურში რეგისტრირებული ქორწინება.“.

10. კოდექსის 1190-ე მუხლის პირველი ნაწილი ჩამოყალიბდეს შემდეგი რედაქციით:

„1. შვილის წარმოშობა ერთმანეთთან დაუქორწინებელი მშობლებისაგან დგინდება სააგენტოს ტერიტორიულ სამსახურში მშობლების მიერ ერთობლივი განცხადების შეტანით.“.

11. კოდექსის 1217-ე მუხლი ჩამოყალიბდეს შემდეგი რედაქციით:

„მუხლი 1217. სასამართლოს განჩინება შვილის შესახებ სახსრების გადახდევინების შესახებ

თუ მოპასუხე სააგენტოს ტერიტორიულ სამსახურში ბავშვის მშობლად არის ჩაწერილი, ამ კოდექსის 1191-ე და 1192-ე მუხლების მიხედვით, სასამართლოს შეუძლია საქმის არსებითად განხილვამდე გამოიტანოს განჩინება შვილის შესახებ სახსრების გადახდევინების შესახებ.“.

12. კოდექსის 1244-ე მუხლის პირველი და მე-2 ნაწილები ჩამოყალიბდეს შემდეგი რედაქციით:

„1. შვილად აყვანის შესახებ გადაწყვეტილების რეგისტრაცია ხდება სააგენტოს ტერიტორიულ სამსახურში გადაწყვეტილების გამოტანის ადგილის მიხედვით.“.

2. სასამართლო ვალდებულია გადაწყვეტილების კანონიერ ძალაში შევლიდან 1 თვის ვადაში აცნობოს თავისი გადაწყვეტილება სააგენტოს ტერიტორიულ სამსახურს.“.

13. კოდექსის 1271-ე მუხლის მე-2 ნაწილი ჩამოყალიბდეს შემდეგი რედაქციით:

„2. სასამართლო, რომელმაც გამოიტანა გადაწყვეტილება შეილად აუვანის გაუქმების ან ბათილად ცნობის თაობაზე, ვალდებულია კანონიერ ძალაში შესული გადაწყვეტილების პირი გაუგზავნოს სააგენტოს ტერიტორიულ სამსახურს, გადაწყვეტილების გამოტანისა და შეილად აუვანის რეგისტრაციის ადგილის მიხედვით.“.

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

მ. სააკაშვილი